

Te Reo Matatini (Reo Torohū)

Te Tautuhinga Aromatawai ā-Waho 2026



Te Paerewa Paetae	32413
Te Ingoa o te Paerewa Paetae	Ka mārama, ka tautohu i ngā whakaaro matua o tētahi reo ā-waha, o tētahi reo ā-tā hoki
Ngā whiwhinga	E 5
Te Marau	Te Marautanga o Aotearoa: Te Reo Matatini
Te Wāhanga Ako	Tukutuku Ako
Te Tukanga Aromatawai ā-Waho	He Tūmahi Aromatawai Pātahi
Ngā Rā Aromatawai ā-Waho	Te Wāhanga 2: Te 18 - 29 o Mei, 2026 Te Wāhanga 3: Te 7 - 18 o Hepetema, 2026
Te Roa o te Aromatawai ā-Waho	90 meneti
Ngā Wātaka Aromatawai ā-Waho	1. NCEA and School Assessment Timetable 2026 2. 2026 Examination Timetable dates and intra-year Assessment Timetable

Te Tūmahi Aromatawai Pātahi (TAPā)

He aromatawai ā-waho te Tūmahi Aromatawai Pātahi (TAPā), ka whakaritea ōna tūmahi, ka mākahia hoki ngā urupare a te ākonga e Te Mana Tohu Mātauranga o Aotearoa (NZQA).

Te Whakahaere TAPā i te Kura

Ka whakahaerehia te TAPā e te kura, i te kura, waihoki e te whare paetoru, i te whare paetoru rānei i waenganui i 'Ngā Rā Aromatawai'.

Mā Te Mana Tohu Mātauranga o Aotearoa te taupānga rorohiko e whakatuwhera, e aukati hoki i ia rā o 'Ngā Rā Aromatawai'.

Ka whiriwhiria t/ētahi o ngā rā aromatawai e tū ai te TAPā i te Wāhanga 2 rānei, i te Wāhanga 3 rānei. Ko ēnei ngā rā i tohua mai e te kura i te rēhitatanga o ngā ākonga ki te Paerewa nei.

Hei waenga i te 8.30 i te ata me te 5.00 i te ahiahi ka whakawāteahia te taupānga rorohiko (te Assessment Master) e whakaoti ai ngā ākonga i te TAPā.

Ka āta whakaritea tētahi/ētahi wāhi motuhake (he rūma nui, he akomanga) me ngā rauemi; kaiwhakarato ipurangi, he rorohiko, he pokitaringa, he tēpu, he tūru, he pepa ōhio manomano, he pene hoki.

Ka āhua 90 meneti te roa o te TAPā, kei te ākonga ngā haora katoa o taua rā i whiriwhiria hei whakaoti TAPā māna. Heoi, me whakaoti te ākonga i te TAPā i taua rā tonu, i mua i te aukatinga o te taupānga rorohiko.

Te Whakatakotoranga Aromatawai ā-Waho

He Tūmahi Aromatawai e ārahi ana i te ākonga ki te whakatutuki i te whānuitanga o ngā Paearu Mahi me ngā Putanga Ako. Mā konei e puta ai te ihu o te ākonga i tēnei Paerewa.

Kia mau te ākonga ki te ia o te kōrero, ā, kia tautohua ngā pārongo matua.

E rua ngā wāhanga o tēnei TAPā:

1. Te Wāhanga Tuatahi: Te Tūmahi Whakarongo.
2. Te Wāhanga Tuarua: Te Tūmahi Pānui.

Te Tūmahi Whakarongo

Ka whakarongo te ākonga ki tētahi/ētahi kaponga reo, ka mātaki, ka whakarongo rānei ki t/ētahi whakaaturanga.

E toru ngā wā e āhei ana te ākonga ki te whakarongo ki te oro whakarongo, ki te mātakitaki rānei i te kiriata.

Ko tā te ākonga he whakautu i ngā pātai, he tīpako i te whakautu e tika ana, he tautohu i ngā kupu, i ngā kōrero me ngā whakaaro matua e hāngai ana ki te horopaki, he whakarite urupare rānei mā te āta whakapuaki i ōna ake whakaaro ki te kaupapa.

Te Tūmahi Pānui

Ka pānui te ākonga i t/ētahi tuhinga kōrero.

Ko tā te ākonga he whakautu i ngā pātai, he tīpako i te whakautu e tika ana, he whakarite urupare rānei mā te āta whakapuaki i ōna ake whakaaro ki te kaupapa.

Ngā Herenga Aromatawai ā-Waho

Me whakaoti te ākonga i tēnei TAPā ki mua i te aroaro o te kaiako, ā, me whai hoki ngā ture o te aromatawai ā-waho:

- I te wā o te aromatawai ā-waho, me aro anake ngā ākonga ki ngā rauemi kua whakaaetia mō te aromatawai ā-waho.
- Kāore e whakaae ana ki te kawē tuhinga kē, ki te kawē rauemi kē rānei ki roto i te rūma e tū ai te TAPā.
- Ka 90 meneti te roa hei whakaoti TAPā mā te ākonga. Mō te tūpono ka raru te ipurangi rānei, te taupānga rānei ka tukuna hoki tētahi kape ā-pepa.

Tēnā pānuihia te nui o ngā kōrero mō te whakahaere TAPā i tō kura:

[About digital external assessment: NZQA](#)